



## Universitätsbibliothek Paderborn

**Disputationes|| ROBERTI BELLAR-||MINI E SOCIETATE  
IESV,|| DE CONTROVERSIIS CHRISTIANAE|| FIDEI,  
ADVERSVS HVIVS TEM-||poris Hæreticos,||**

Tribus Tomis comprehensæ.||

De Baptismo Et Confirmatione - Dvobus Libris Explicata

**Bellarmino, Roberto Francesco Romolo <Heiliger>**

**Ingolstadii, [1599]**

**VD16 B 1607**

Cap. I. De erroribus, & mendaciis circa Sacramentum Confirmationes.

[urn:nbn:de:hbz:466:1-53934](https://nbn-resolving.de/urn:nbn:de:hbz:466:1-53934)

THEATRUM SACRUM  
LIBER UNICVS.

# DE SACRAMEN TO CONFIRMA TIONIS.

## LIBER UNICVS.

**D**E SACRAMENTO CONFIR  
mationis sex Controversiae sunt. PRIMA,  
an sit verum, & proprium Sacramentum.  
SECUNDA, de materia. TERTIA, de  
forma QVARTA, de effectu. QVINTA,  
de ministro. SEXTA, de cæremoniis. Ac, ut à PRIMA in  
cipiamus, tres erunt primæ Controversiaæ partes. In PRIMA  
referemus errores de Confirmationis Sacramento. In  
SECUNDA confirmabimus veritatem. In TERTIA sol  
uemus obiectiones.

## CAPVT PRIMVM.

### De erroriis, & mendacis circa Sacramentum Confirmationis.

**H**ÆRETICI HVIVS TEMPORIS FERE OMNES  
Confirmationem de numero Sacramentorum  
auferunt. Etsi enim anno M. D. XLVIII. in con  
ventu Liphensi, Theologi Liphenses, & Witten  
bergenses receperint septem sacramenta, & nominatum Con  
firmationem, vt Sacramentum propriè dictum, & gratiam  
conferens, tamen non persistierunt in ea Confessione. Siquidem  
omnes fere eorum Doctores, & qui ante illud tempus, &  
qui

qui postea scripserunt, Sacmentum Confirmationis rei-  
cunt.

Quia tamen negare non possunt, fuisse in veteri Ecclesia  
ritum aliquem, qui diceretur Confirmatio; finixerunt ipsis, ri-  
tum illum non fuisse quidem Sacmentū a Christo institu-  
tum, sed fuisse cæmoniam quandam utiliter ab Ecclesia in-  
troducedam: quam in sex capita distinguit Kemnitius in 2. par-  
te Examinis, pag. 320. Is enim accuratissimè omnium descri-  
bit ordinem Lutheranæ Confirmationis. **P R I M O** dicit, par-  
uulos in infantia baptizatos cùm perueniunt ad annos dilec-  
tionis, debere institui in doctrina Catechismi, & vbi talitem  
principia didicerint, offerri debere Episcopo, qui coram Ec-  
clesia admoneat puerum de suo Baptismo, quid acceperit, quid  
promiserit, &c. **S E C U N D O**, debere ipsos paruulos publicè  
recitare confessionem fidei, & doctrinæ, quam didicerunt.  
**T E R T I O**, debere interrogari de precipuis doctrinæ Chri-  
stianæ capitibus, atque ad ea respondere. **Q U A R T O**, debere mo-  
neri, ut hac professione fidei ostendant, se dissentire ab omni-  
bus ethniciis, hæreticis, fanaticis, & prophanis opinionibus.  
**Q U I N T O**, debere graui exhortatione admoneri, vt in pacto  
Baptismi, & fidei professione perseverent, & proficiendo con-  
firmentur. **S E X T O**, fieri debere publicam precationem pro  
illis pueris, vt Deus Spiritu suo sancto illos gubernare, & con-  
firmare dignetur in hac fidei professione; & simul addi posse  
manus impositionem.

Hanc sententiam breuiter indicauit Lutherus in libro de  
Babyl. captiuit. cap. de Confirmatione. Nam, & negat esse ve-  
rum Sacmentum; & addit posse recipi pro Ecclesiastica cæ-  
remonia, qualis est, consecratio aquæ, & aliarum rerum: non  
meminit autem Lutherus Catechismi, aut Examinis in ritu  
Confirmationis. Zwinglius in libro de veta, & falsa religione,  
cap. de aliis Sacmentis, negat Confirmationem esse Sacra-  
mentum; & addit fuisse ritum in Ecclesia institutum, ad ex-  
amen puerorum, qui in infantia fuerant baptizati. Quod idem  
postea docuit Philippus in locis, cap. de Confirmatione; Cal-  
vinus lib. 4. Instit. cap. 19. § 4. Ioannes Brentius in Confessio-  
ne Wittenberg. cap. de Confirmatione, & alijs.

Non sunt autem ipsi primi, qui hoc Sacmentum reie-  
cant. Nam Ioannes Wiclefus in 4. lib. Triologi, cap. 14. et si

non omnino videatur hoc Sacramentum respuerere, tamen non vult posse probari ex Scripturis, & aperte reprehendit Catholicorum sententiam. Immò dicit, quibusdam videri à Diabolo introductam Episcoporum Confirmationem cum omnibus suis ritibus: nec reprehendit, sed potius indicat sibi placitatem sententiam eiusmodi. In alio etiam libro, qui fortè iam non exstat, vunctionem Christmatis aperte reuicit, ut Thomas Waldensis testatur, tomo 2. de Sacramentis, cap. 113. Ante Widofum Waldenses hæretici idem hoc Sacramentum reiecerunt, teste Aenea Syluio in historia Bohemica, cap. 35. & ante homines Nouatiani, de quibus sic loquitur Theodoretus, lib. 1. hæret. fab. Nouatiani pénitentiam à suo conuentu arcenti, & in, qui ab ipsis tinguntur, sacrum Christma non prebent. Quocirca eos, qui ex hac hæresi corpori Ecclesie coniunguntur, benedicti patres ungi iussérunt. Cur autem Nouatiani reiecerint hoc Sacramentum, causa non fuit aliqua ratio conuincens aut Scripturæ testimonium euidens: sed quia ipse Nouatianus (ut scribit ex Cornelio Papa Eusebii, lib. 6. hist. cap. 33. in lecto decumbens baptizatus fuit sine confuetis Ecclesiæ cæremoniis; nec postea adimpleri curauit, quæ omisi fuerant, nec signaculo Spiritus sancti confirmatus fuit. Ob quæ, cum male audiret apud omnes, hoc remedium excoagulauit, ut negaret, Christmate inungi oportere homines post Baptismum. Donatistas etiam contumeliosos fuisse in S. Christma scribit Optatus lib. 2. contra Parmentianum; sed non constat an Donatistæ oderint hoc Sacramentum absolute, tantum, ut à Catholicis dabatur. Probabile tamen est eos hoc Sacramentum contempnisse, ut etiam Arianos, & alios multos hæreticos, qui cum ad Ecclesiam veniebant, iubebant lacto Christmate inungi, ut infra dicemus.

Sed ad hæreticos huius temporis redeamus. Doctrinā suam illi tain crassis mendaciis, tantaque impudentia conuiciorum, & blasphemiarum onerant, ut planè perspicuum fiat, eos, qui hoc Sacramentum oppugnant, recipere malis spiritus plenitudinem; sicut è contrario, qui illud reverenter suscipiunt, sancti Spiritus plenitudinem consequuntur.

Ioannes Calvinus in Antidoto Concilij, sess. 7. can. 2. Olei, inquit, qui faciat mentionem, nemo est ex veteribus; immò nec ex media illa— etate, quæ iam multis viis abundabat. Hæc

Hæc ille. **A**T QVI meminerunt olei plurimi veterum; immò etiam vetustissimorum. **T**ERTULLIANVS lib. 1. contra Marcionem, loquens de Sacramentis Christi: **I**lle, inquit, neque aquam Creatoris respuit, qua suos abluit, neque oleum, quo suos ungit. Et **A**VGVSTINV S lib. 5. contra Donatistas, cap. 20. Si ad hoc valet, quod dictum est in Euangelio, Deus peccatorem non audit, ut per peccatorem Sacra menta non celebrentur: quomodo exaudii homicidam deprecantem, vel super aquam Baptismi, vel super oleum, vel super Eucharistiam, vel super capita eorum, quibus manus imponitur? Denique adeò clare, & sèpe meminerunt Christiatis Tertullianus, Cyprianus, & Cyrillus, ut Kemnitius hoc nomine istos Patres reuiiat, & per contemptum vocet Chrisma Cyrilium.

**I**dem Caluinus ibidem, can. 3. Tridentinos Patres, asinos & porcos vocat, cùm tamen modestissimus videri velit. Porrò in Instit. lib. 4. cap. 19. §. 8. Verbum, inquit, unctorum est, nullam promissionem in Baptismo percepisse, qua in agonibus instruantur. Hæc ille. **A**T QVI hoc nullus Catholicorum docet. Nam quod citat Caluinus ex epist. S. Melchiadis: In Baptismo regeneramur ad vitam, in Confirmatione armamur ad pugnam, referendum est ad proprios effectus horum Sacramentorum. Baptismus enim propriè ad vitam regenerat, quamvis gratia illa regenerationis, valeat etiam ad peccata vitanda: Confirmationis autem propriè datur ad augmentum roboris, & ad pugnandum pro fide.

Rursus §. 10. aliud mendacium profert, cùm ait: Nónne se Donatisti produnt, qui vim Sacramenti à ministri dignitate aestimant? quia nimirum dicimus, Sacramentum Confirmationis non posse conferri ordinariè, nisi ab Episcopo. **A**T Caluinus nou ignorabat, Donatistas de alia dignitate loqui consueuisse, nimirum de dignitate probitatis, & innocentiae, non de dignitate ministerij Ecclesiastici. Alioqui etiam Caluinus Donatista esset, cùm velit Baptismum non posse tribui à laico, neque à scemina, sed solum à publico Ecclesiae ministro. Igitur contra mentem, & conscientiam suam loquutus est, ac proinde mentitus.

Ibidem de S. MELCHIADE Papa, & Martyre, cuius verba proxime citauerat, ita loquitur: Os sacrilegum, iúne pinguedinem factore duntaxat anhelitus tui inquinatam, & verbo-

rum murmure incantatam, audes Christi Sacramento oppo-  
nere, & conferre cum aqua verbo Dei sanctificata? At parum  
hoc ipsum erat tua improbitati, nisi etiam praeferas. Hec sunt  
sancta Sedis responsa; hoc Apostolici triplex oracula. Pot-  
eratne Caluinus impudentius blasphemare in sanctissimum  
virum? poteratne manifestius confiteri, nihil sibi esse com-  
mune cum antiqua Ecclesia? Si quidem S. Melchiadi omnis  
Ecclesia, quæ tunc erat, communicauit; ac de eo sic loquitur  
AVGVSTINVS, in epist 162. Qualis, inquit, ipsius B. Mel-  
chiadu*volumen*, est prolata sententia, quām iu[n]cens, quām  
integra, quām prouida, atque pacifica? Et infra: O vi-  
rum optimum, o filium Christiana pacis, o patrem Christianu[m]  
plebu.

Denique 6. 11. profert aliud mendacium Caluinus: Ecce, in-  
quit, præterita aqua, & nullo numero habita, unum oleum  
in Baptismo magnificiunt. Hoc ille. Confinxit autem hoc  
mendacium, occasione accepta ex verbis Magistri Sententia-  
rum, perperam expositis. Nam Magister lib. 4. dist. 7. cap. 2. di-  
cit, Sacramentum Confirmationis esse nobilissimum Sacramento  
Baptismi aliquo modo, ratione videlicet ministri, a quo da-  
tur, & ratione membra, in quo perficitur; nam Confirmationis  
non potest perfici, nisi in fronte nobilissimo omnium mem-  
brorum. Hoc ita accepit Caluinus, quasi Magister contulit  
unctionem Confirmationis, quæ sit in fronte, cum unctione  
Baptismi, quæ sit in vertice; & proinde Sacramentum Baptis-  
mi non constituerit in aqua, sed in solo oleo. At nouit intelli-  
gere Caluinus verba Magistri; ille enim confert unctionem  
Confirmationis, non cum unctione Baptismi, sed cum ipso  
Baptismo, qui ex aqua, non ex oleo conficitur. Confert enim  
inter se Sacramenta, non est autem Sacramentum unctionis in Ba-  
ptismate, sed aspersio aquæ. At, inquit Caluinus, aspersio aquæ  
sit etiam in fronte. R E S P O N D E O, hoc interesse inter Bapti-  
sum & Confirmationem, quod Confirmationis non perficitur,  
nisi in fronte; aspersio autem aquæ Baptismi, potest fieri in  
fronte, sed potest fieri etiam extra frontem; immo nunc ordi-  
nariè cum baptizantur infantes, solum vertici ipsorum infun-  
ditur aqua. Vi etiam Confirmationis à solo Episcopo datur, Ba-  
ptismus ab Episcopo dari potest, sed dari etiam potest à Pres-  
bytero; & idcirco tam ratione ministri: quam ratione subie-  
cipit.

Et præstat Confirmatio Baptismo, ut rectè dicit Magister.  
Quare sine villa caussa mentitur Caluinus, Catholicos nullo  
numero habere aquam Baptismi.

Ibidem Caluinus dicit, se ne vnius quidem steroris facere  
oleum, siue in Baptismo, siue in Confirmatione. A T Q VI de  
viroque oleo, omnes Sancti, & antiqui Patres honorificentis-  
simè semper loquuti sunt, ut supra ostendimus in disputatione  
de cæremoniis Baptismi, & infra ostendemus, cum agemus de  
materia Confirmationis.

Iam verò Martinus Kemnitius multa similiter habet, &  
mendacia, & conuicia; sed uno tantum loco ero contentus.  
Igitur in 2. parte Examinis, pag. 298. tria simul mendacia con-  
glutinat P R I M V M, quod vñctio Chrismatis ex schola Mont-  
tani prodierit. S E C V N D V M, quod Tertullianus, & Cypri-  
nus in hac re Montanistæ fuerint. T E R T I V M, quod Hiero-  
nymus hanc sententia refutet in dialogo contra Luciferianos.

At nullus vñquam auctor prodidit haec suis hæresim  
Montani. Scribunt de erroribus Montani, Tertullianus de  
præscript Epiphanius hær. 48. Eusebius lib 4 hist cap 14. Cle-  
mens Alexandrinus strom. 4. Philastrius in Catalogo. Hiero-  
nymus in epist. ad Marcellam de erroribus Montani Augusti-  
nus hæret. 26. Theodoretus lib. 3. de fabulis hæret. Damasce-  
nus in libro de centum hæresib. in nullo autem horum, ullum  
est verbum de hac re. Sed colligit Kemnitius, ut est solers, hunc  
suis errorem Montani, licet nemo id scripsit, quia Tertul-  
lianus fuit Montanista: & ipse est, qui scribit, Spiritu sanctum  
dari baptizatis per Chrismatis vñctionem. At non omnia, que  
Tertullianus scribit, ad Montani errores pertinent, licet ille  
in ultima ætate Montanista fuerit. Alioqui Montanistarum  
hæreses erunt, Christum esse Filium Dei, Baptismum in aqua  
celebrandum, Eucharistiam in pane & vino; & alia id genus  
multa, que Tertullianus scribit.

Deinde quanta est impudentia, S. Cyprianum Martyrem  
celeberrimum Montanistam hæreticum facere? Quid, quod  
ipse Kemnitius in hac ipsa re sibi non constat? nam pag. 317.  
dicit, hunc errorem confitum ab antiquissimis Patribus, Ter-  
tuliano, Cornelio, & Cypriano: At si isti confinxerunt; non  
ergo à Montano id acceperunt.

Denique, quod S. Hieronymus hunc errorem refellat in  
k 5 Dialo

Dialogo contra Luciferianos, crassissimum est mendacium. Nam in eo Dialogo solum explicat S. Hieronymus, quomodo dari dicitur Spiritus sanctus per manus impositione, cum etiam ante in Baptismo datus sit: sed neque Montanum, ne Tertullianum, neque sanctos Episcopos Cornelium, & Cyprianum nominat; tantum abest, ut eos refellat, ut mentitur Kemnitius. Neque ex eo, quod Hieronymus dicit, in Baptismo dari Spiritum sanctum, sequitur refutari sententiam Tertulliani, & Cypriani, qui dicunt dari in Confirmatione: alioquin Hieronymus refutasset etiam Lucam, qui ait, Acto. 8. Nodum enim in quenquam illorum venerat, sed baptizantur erant in nomine Domini Iesu. Tunc imponebant manus super illos, et accipiebant Spiritum sanctum. At nullos refutat Hieronymus: non enim negant Lucas, & alii, in Baptismo dari Spiritum sanctum, nisi in illa plenitudine, qua datur in Confirmatione.

## CAPUT SECUNDVM.

*Probatur ex Scriptura Sacramentum Confirmationis.*

**V**INQVE argumentis probandum est, Confirmationem esse Sacramentum verè, ac propriè dictum, ut Concilium Tridentinum docet, sess. 7. can. 1. de Confirmatione. PRIMO, ex Scripturis SECUNDO, ex traditione, & testimoniosis summorum Pontificum. TERTIO, ex testimoniosis Conciliorum. QUARTO, ex testimoniosis Patrum Græcorum. QUINTO, ex testimoniosis Latinorum.

Quod ad PRIMUM attinet: Tria requirantur ad essentiam Sacramenti Christiani propriè dicti. PRIMO, promissio gratiæ. SECUNDO, signum sensibile cum verbo, quod sit in medium, seu organum, quo applicetur promissio. TERTIO, mandatum diuinum, quo id iubatur ministrari. Hæc tria postulant sibi ostendi ex Scripturis in quæstione de Confirmatione, Calvinus lib. 4. Instit. cap. 19. §. 5. & Kemnitius in 2. part. Examinis, pag. 276. In hac quæstione, inquit Kemnitius, quæ sint illa media, per quæ credendum sit Spiritum sanctum velle efficacem esse; ante omnia petimus ex verbo Dei nobis monstrari, expreßum